



Broj: 09-20-11-2-2653
Sarajevo, 21.12.2020. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), i člana 70. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2020. godini, zamjenik direktora Federalne uprave policije d o n o s i

O D L U K U
o izboru najpovoljnijeg ponuđača za nabavku
radova rekonstrukcije prostorija (građevinsko-bravarski-linarski-stolarski
radovi) u sjedištu Federalne uprave policije, ulica Mehmeda Spahe br. 7,
Sarajevo

I

Prihvata se prijedlog Komisije za provođenje konkurentskih i pregovaračkih postupaka nabavke u 2020. godini, u postupku javne nabavke radova rekonstrukcije prostorija (građevinsko-bravarski-linarski-stolarski radovi) u sjedištu Federalne uprave policije, ulica Mehmeda Spahe br. 7, Sarajevo, te se ugovor dodjeljuje ponuđaču „GENERAL CONSTRUCTIONS“ D.O.O. SARAJEVO, čija ponuda nakon provedene e-aukcije iznosi 8.800,80 KM bez PDV-a, odnosno 10.296,94 KM sa PDV-om.

II

Za izvršenje Odluke zadužuje se Sektor za materijalno- finansijske poslove.

III

Ova Odluka objavit će se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

IV

Ova Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke radova rekonstrukcije prostorija (građevinsko-bravarski-linarski-stolarski radovi) u sjedištu Federalne uprave policije, ulica Mehmeda Spahe br. 7, Sarajevo, broj Obavještenja o javnoj nabavci: 1412-7-3-267-3-130/20 od 04.12.2020. godine.

Javna nabavka je provedena putem konkurentskog zahtjeva za dostavu ponuda.

Procjenjena vrijednost nabavke iznosi 9.000,00 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2020. godini imenovana Rješenjem zamjenika direktora Federalne uprave policije broj: 09-19/1-30-2-113 od 13.02.2020. godine.

Na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno slijedeće:

- da su zaprimljene 4 (četiri) ponude, koje su ujedno i blagovremene, i to ponuđača: „GALBOLS“ D.O.O. SARAJEVO, „INEN BAU OF S.O.D.“ D.O.O. SARAJEVO, „MAGIČNI KAMEN L.T.D. MAGIC STONE“ D.O.O. SARAJEVO i „GENERAL CONSTRUCTIONS“ D.O.O. SARAJEVO;
- da nije bilo neblagovremeno zaprimljenih ponuda;
- ponuda ponuđača „INEN BAU OF S.O.D.“ SARAJEVO nije formalno-pravno ispravna iz razloga što dostavljena ponuda nije propisno uvezana, a kako je traženo tačkom 4.2. Tenderske dokumentacije koja glasi: „Svi listovi ponude moraju biti čvrsto uvezani na način da se onemogućiti naknadno vađenje ili umetanje listova, osim garantnih dokumenata.“, zbog čega ista ne ulazi u daljnju evaluaciju;
- da je Komisija konstatovala da ponuda ponuđača „GALBOLS“ D.O.O. SARAJEVO ne zadovoljava formalno pravne uslove tražene tenderskom dokumentacijom, i to iz razloga što ponuđač nije dostavio ovjeren aktuelni izvod iz sudskog registra na svim stranama dokumenta, odnosno, ovjerena je samo zadnja stranica, što je suprotno tački 2.2.a tenderske dokumentacije;
- Komisija je također konstatovala da je ponuđač „GALBOLS“ D.O.O. SARAJEVO dostavio kopiju potvrde koja datira od 08.9.2020. godine i odnosi se na drugi postupak javne nabavke iz 9. mjeseca 2020. godine. Uvažavajući navedeno, ponuda ponuđača „GALBOLS“ D.O.O. SARAJEVO je isključena iz dalje evaluacije;
- Komisija je konstatovala da ponuđač MAGIČNI KAMEN L.T.D. MAGIC STONE D.O.O. SARAJEVO u Aneksu I, kao i u Aneksu II, nije unio cijenu PDV-a, ali je u ukupnom zbiru cijene sa PDV-om istu uračunao (Komisija je utvrdila tačnost vrijednosti PDV-a čiji zbir sa cijenom bez PDV-a daje tačan iznos cijene sa PDV-om koji je naveden u ponudi). Komisija smatra da navedeno predstavlja propust koji je manjeg obima, i ne utiče na potpunost ponude, niti je bitno udaljava od zahtjeva utvrđenih u tenderskoj dokumentaciji, a shodno mišljenju Agencije za javne nabavke dostavljene Ugovornom organu aktom broj 03-02-1-1074-2/20 od 26.5.2020. godine;
- u cilju aritmetičke kontrole pojedinačnih cijena iz Anex-a II - Obrazac za cijenu ponude, Komisija je izvršila provjeru cijena iz dostavljenih ponuda, te utvrdila da je kod ponuđača „MAGIČNI KAMEN L.T.D. MAGIC STONE“ D.O.O. SARAJEVO napravljena računaska greška, te je Komisija u skladu sa članom 17 stav (5) Uputstva za pripremu modela tenderske dokumentacije i ponuda („Službeni glasnik BiH“, broj 90/14), od ponuđača tražila saglasnost za ispravku navedene greške;
- nakon dostavljene saglasnosti za ispravku računaska greške Komisija je u svrhu provođenja postupka e-aukcije dana 18.12.2020. godine, dostavila Sektoru za materijalno finansijske poslove listu prihvatljivih ponuda;
- da je Komisija od strane Sektora za materijalno-finansijske poslove pod brojem: 09-20-11-2-2653 od 21.12.2020. godine zaprimila Izvještaj o toku i završetku e-aukcije broj 1412-7-3-267/20 od 21.12.2020. godine, u kojem

je navedeno da je najpovoljniji ponuđač „GENERAL CONSTRUCTION“ D.O.O. SARAJEVO u predmetnom postupku javne nabavke radova rekonstrukcije prostorija (građevinsko-bravarski-linarski-stolarski radovi) u sjedištu Federalne uprave policije, ulica Mehmeda Spahe br. 7, Sarajevo, sa cijenom u iznosu od KM 8.800,80 KM bez PDV-a, odnosno 10.296,94 KM sa PDV-om.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača za nabavku radova rekonstrukcije prostorija (građevinsko-bravarski-linarski-stolarski radovi) u sjedištu Federalne uprave policije, ulica Mehmeda Spahe br. 7, Sarajevo, data u skladu sa Zakonom o javnim nabavkama i tenderskom dokumentacijom.

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo u roku od 5 (pet) dana od dana prijema ove Odluke.



**ZAMJENIK DIREKTORA
GENERALNI INSPEKTOR POLICIJE**

Ensad Korman

Dostaviti:

- Sektor za mat. fin. poslove
- Ponuđačima
- U spis